



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 51. De sepultura.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO LI.
DE SEPULTURA.

PUNCTA MEDITATIONIS.

- I. Venit & Nicodemus ferens mixturam myrrhae & aloes libras 100. *Ioan. 19.*
- II. Corpus IESU, ligatum linteis, cum aromatibus posuerunt in monumento nouo, exciso in petra.
- III. Aduoluerunt lapidem ad ostium monumenti.

FIGURA.

IONAS Propheta in mare deiectus, Iona 2.
quem deglutiuit magnus piscis, in cuius ventre fuit tribus diebus & tribus noctibus.

Ioseph in Ægypto mortuus, magno cum honore & aromatibus sepultus est. *Gen. 50.*

PROPHETIÆ.

ERIT sepulchrum eius gloriosum. *Isaia 11.*
Posuerunt me in lacu inferiori, in tenebrosis, & in umbra mortis. *Psal. 87.*

Lapsa est in lacum vita mea, & posuerunt lapidem super me. *Thren. 3.*

P . . . DOCV.

DOCUMENTA.

1. **Q**UANDO accedimus ad sanctissimum sacramentum, pura confessione mundemus cor nostrum, candidamque redamur sindonem conscientiae nostrae, in quam inuoluamus sacratissimum Christi corpus.
2. Imitemur paupertatem Christi, ut non desideremus nec quaramus huius mundi diuitias, nec rerum proprietatem vllam, postquam quemadmodum natus est pauper & vixit pauper, sic moriens etiam voluit sepeliri in alieno sepulchro.
3. Curemus ut Christus dignetur habitare in nobis, ita ut cor nostrum sit nouum sepulchrum per nouam vitam, sit ex petra per firmitatem voluntatis in bono, sit concauum per humilitatem, mundum ab omni putredine malarum cogitationum & sensualium desideriorum.
4. Quando pretiosum Christi corpus suscipimus, vngamus compunctionis aloe, & myrrha intimi doloris amarissima suae passionis, & odore laudis & gratiarum actionis diuinae Maiestatis.
5. Christus voluit sepeliri cum aromatibus in sepulchro Iosephi hominis iusti: non quiescit Iesus in foetidis cordibus peccatorum; sed in iustorum cordibus, qui suauissimum emittunt odorem virtutis.
6. Quando beneficio Dei gratiam eius accipimus, per quam Iesus in cordibus nostris habitat, occludere eam in nobis debemus, petra firmi constantisque propositi, nunquam eum offendendi; nec amplius cor nostrum patere debet mundo, sed perseverare debemus in sancto illius seruitio.

MEPL